

**Contribut por la Cûra:** chisc dis vëgnel menè fora lètres che præia vigni familia da dè n contribut por nosta Cûra ( *paiamënt al mone y atri sorvisc, scialdè dljia y calonia, assicuraziuns y i.i.*). Sperun che düc se recordes y n bel giulan bel danfora de osta generositè y Dì s'al paies!

**Puzenè la dljia:** tratan i laùrs pro l'orghe nü él gnü ajié la dljia, porchèl periunse chi che po y à bona orentè de gnì en lünesc d'Edema Santa, ai 25.03.2013 a puzenè y a mèt a post. Plö tert, cun miu tēmp, gnaràl spo lavè la dljia.

**La Jonèza da Paur de Badia** organisèia en Jöbia Santa, ai 28.03.2013 dales 14:00 te Ciasa dles Uniuns n domisdé por stè adüm a depēnje üs da Pasca. Düt l'material gnarà metü a desposiziun dala uniun. Düc chi che ó gnì é dër bel invià.

**Cursc de inglesc:** l'KVV de Badia organisèia cursc de inglesc cun la maestra Lalena Stull partis sö te 5 livì che mèt man ai 25 de merz y spo inçe de aurì 2013. Por informaziuns y prenotaziuns cheredede sö Cristina al nr. 0471/839657 o 333/1591599.

### VANGELE dla Dumènia dal Ori

Lüca 19, 28-40

Te chël tēmp é Gejù jü sö cuntra Ierusalem. Canch'al ê rovè dlungia Bètfighe y Betània sön chë munt ch'an ti dij Munt dl Ori, àl ortié dui discepui danfora y ti à dit: Jide tl paisc che é dan nos. Canch'i rovèis ite, ciarèise n müsc jonn tachè sön chël ch'al n'é ciomò stè degügn che s'à sentè. Destachédele, y condejédele adalerch!

Y sce zacai ves damana: Ciodî le destachèise pa?, spo respognede: Le Signur l'adora. I dui é pià ia y à urté döt sciöch'al ti à dit. Canch'ai à destachè le polerin, ti à i patruns dit: Ciodî destachèise pa le müsc? Ai ti à respognü: Le Signur l'adora.

Spo ài condüt le müsc jonn da Gejù, à metü sü guanc sön le tier y à daidè sö Gejù. Tratan ch'al raità inant, destenò i discepui sü guanc ia por strada. Canch'al ê rovè tl post olache le tru va dala Munt dl Ori jö pert, à düc i discepui metü man dala ligrèza da laldè dadalt Idì por dotes les opres miracoloses ch'ai à odü. Ai scraia: Benedì sides le re che vëgn tl inom dl Signur. Pêsc tl cil y gloria sö alalt! Dailò ti à scraie pomez valgügn farisès fora dla meja: Maester, mèt a scutè tû discepui! Al à respognü: I ves diji: Sce chisc scuta, saral les peres che scraia.



Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 16

Edema: 17.03. - 24.03.2013



### Habemus Papam cun l'inom Francësch

S'un fat n pü de morvèia de avèi ciafè n Papa da laià ca y inçe l'inom daldüt nü. Mo al se fej na bona impresciun de na porsona dër spiritua-la, scëmpla y de gran fede.

La Dljia sunse nos düc y al cunta la testimonianza de fede y vita cristiana de vignun de nos.

Periun por l'Papa y inçe por nos düc, un por l'ater.

## FUNZIUNS SACRES

### 17.03. V. DUMËNIA de CARSEMA dl ANN / C

10.00 Mëssa por la Comunité

15.00 Via Crucis

18.00 †to Gerhard Pescoller - aniversar  
†ti Clara Pescoller, Paul y Albina Pizzinini  
por les families de Franz y Martin Nagler

### 18.03. Lünesc

19.30 †to Emilio Costisella / †to Davide Valentin  
por fam. Irma y Paul Ploner

### 19.03. Mertesc – Festa de S.Ujöp

19.30 Mëssa por la Uniun di Èi  
†to Hermann Irsara de Pescol – aniversar  
†to Emilio Valentini de Col d'Anvi  
†to Fedele Tasser



### 20.03. Mercui

07.25 †ta Anna Bernardi - aniversar  
por familia Miribung Bologna en ringraziament  
por familia Carlo Bernardi en ringraziament

### 21.03. Jöbia

**19.30 Funziun penitenziala**

### 22.03. Vëndres

07.25 †to Pepe Pedratscher / †ta Marianna Vittur  
†ti Klara y Gualbert Messner  
18.00 Via Crucis (*cun la schira jonila*)

### 23.03. Sabeda

16.00 Mëssa a Oies

### 24.03. DUMËNIA dal ORÌ dl ANN / C

**09.00 Dan Calonia** : Benedisciun dl Ori y prozesciun  
S.Mëssa cun letöra dla Pasciun do S.Lüca

**14.00** Via Crucis (*cun l'cor de dljia*)

**15.00** Festa da Bato de na picera müta


**18.00** †ta Rosina Declara Pizzinini  
†ti Guido y Maria Dapunt  
†to Armando Bertoldi



## Dala VITA dla CÜRA


Recordun che la mëssa grana dla Dumënia dal Ori y dla Dumënia de Pasca sarà bele dales **09:00**.

La Via Crucis dla Dumënia dal'Orì sarà dales **14:00**.




**Crejimanó:** i mituns che va chëst ann ala Crejima é perià de gnì en lünesc dl'Edema Santa, ai 25 de merz, dales 18:45 te dljia olache siur Degan ti spigarà l'ritus dla Crejima y do sarà la santa mëssa.

**Edema dles Confesciuns por Pasca:** les uniuns inviëia ala Preparaziun y Confesciuns en lünesc, ai 18.03.2013 cun siur Ulrich dales 14:00 Confesciun por les Èles ( cun oferta) dales 16:30 Confesciun por i Crejimanó dales 20:00 Confesciun por i Èi



La proscima **preparaziun al Bato** sarà indô en sabeda, ai 23.03.2013 dales 15:00 ales 17:00 te calonia a La Ila. Düc chi che à n pice müta da batié é perià de se prenoté al nr. 0471/839571.

**"Bibelrunde":** siur Sepl Granruaz tègn en mercui, ai 20.03.2013 dales 20:00 te local di jogn la Bibelrunde. Düc é tres bel invià.



**Legio Mariae:** chësc grup se abina indô en jöbia, ai 21.03.2013 dales 14:00 te capela de calonia por tignì n'ora de oraziun. Düc é dër bel invià.

**"Cero Pasquale":** i mituns y mitans dla 3.mesana é invià a gnì en lünesc dl'Edema Santa, ai 25.03.2013 dales 14:30 te local dl Kerygma por arjigné ca la ciandëra da Pasca.

**Referat:** te Ciasa de Palsa Ojöp Freinademetz a S.Martin sarà en mertesc, ai 19.03.2013 dales 20:00 n referat cun siur Tone Fiung dal titul "*Acompagné porsones che é tl morì*". Düc é invià a tò pert.